



09836

元史卷七十六

志二之六

地理六

雲南諸路行中書省爲路三十七府四舊志二新增順屬

府三屬州五十五通新增寶屬縣四十八新州慶其餘甸寨

軍民等府不在此數馬站七十四處

雲南諸路道肅政廉訪司大德三年罷雲南行御史臺立肅政廉訪司

中慶路上唐姚州閣羅鳳叛取姚州其子鳳伽異增築

城曰柘東至六世孫豐祐改曰善闡歷五代迄宋羈縻

而已元世祖征大理凡收府八善闡其一也郡四部三

十有七其地東至普安路之橫山西至緬地之江頭城

凡三千九百里而遠南至臨安路之鹿滄江北至羅羅

斯之大渡河凡四千里而近憲宗五年立萬戶府十有

元史卷七十六 志 地理

九分善闡爲萬戶府四至元七年改爲路八年分大理

爲南北中三路路設十三年立雲南行中書省初置郡

縣遂改善闡爲中慶路領司一縣三州四州領八縣本

軍民屯田二萬二千四百雙有奇

錄事司

縣三

昆明中倚郭唐置元憲宗四年分其地立千戶二至

元十二年改善州領縣二十三州革縣如故

其地有昆明池五百餘里夏潦必冒城郭張立道爲

大理等處勸農使求泉源出洩其水得地萬餘頃

皆爲良富民下至元四年立黎瀼千安良下唐匡州

田云首羅氏於此立城居之名曰羅哀龍乃此縣也元憲

宗六年立太池千戶隸嵩明萬戶至元十三年升宜

州四

貞州治太池縣二十一年州罷爲縣後廢太池來屬

嵩明州下州在中慶東北治沙札臥城烏蠻車氏所

築白蠻名爲嵩明昔漢人居之後烏白蠻強盛漢人

徙去盟誓於此因號嵩盟今州南有土臺盟會處也

漢人嘗立長州築金城阿葛二城蒙氏與改長州爲

嵩盟部段氏因之元憲宗六年立嵩明萬戶至元十

二年復改長州十五年升嵩明府二十二年降爲州

領二縣楊林下在州東南治楊林城乃雜蠻枳氏車

有石如羊形故又作羊唐有羊林部落此地

元憲宗七年立羊林千戶至元十二年改爲縣邵

甸下在州西治白邑村無城郭車蠻斗蠻舊地名

十二年改爲縣

晉寧州下唐晉寧縣蒙氏段氏皆爲陽城堡部元憲

宗七年立陽城堡萬戶至元十二年改晉寧州領二

縣晟貢下西臨滇澤之濱在路之南州之北其間相

蠻所居元憲宗六年立晟貢千戶至元十二年割

詔營切龍晟貢囉甸塔羅貢羅忽六城及烏納山

立晟歸化下在州東北晟貢縣南西濱滇澤地名

有世隸善闡憲宗六年分隸晟貢千戶至

元十二年割大吳龍安江安棚立歸化縣

昆陽州下在滇池南焚獺雜夷所居有城曰巨橋今

爲州治閣羅鳳叛唐令曲嘯蠻居之段氏興隸善闡

元憲宗并羅畠等十二城立巨橋萬戶至元十三年

改昆陽州領二縣三泊下至元十三年易門下在州

市坪村世爲烏蠻所居段氏時高智昇治善闡奄

而有之至元四年立洩門千戶十二年改爲縣縣

元史卷七十六 志 地理 二

原訛作易門

高氏互有其地元憲宗七年隸陽城萬戶至元三年立安寧千戶十二年改安寧州領二縣祿豐下在州西

村其地瘠熟非大酋所居惟烏雜蠻居之遷徙不常至元十三年割安寧千戶之祿奉化泥驥琮籠

三處立祿豐縣因江中有石如甌俗名羅次下在祿奉譯謂祿爲石瑋有甌爲今名

治壓磨呂白村本烏蠻羅部地險俗悍至元十二年因羅部立羅次州隸中慶路二十四年改州爲

縣二十七

威楚開南等路下爲雜蠻耕牧之地夷名俄碌歷代無

郡邑後爨酋威楚築城俄碌睽居之唐時蒙舍詔閣羅

鳳合六詔爲一侵俄碌取和子城今鎮南州是也後閩

羅鳳叛於本境立郡縣諸爨盡附蒙氏立二都督六節

度銀生節度卽今路也及段氏興銀生隸姚州又名當

筋臉及高昇秦執大理國柄封其姪子明量於威楚築

元史卷七十六志 地理 三

外城號德江城傳至其裔長壽元憲宗三年征大理平

之六年立威楚萬戶至元八年改威楚路置總管府領

縣二州四州領一縣本路軍民屯田共七千一百雙

縣二

威楚下倚郭至元十五年升威州仍立富民淨樂二縣二十一年降州爲威楚縣革二縣爲鄉來屬

定遠下在路北地名目直睽雜蠻居之諸葛孔明征南中經此睽後號爲牟州唐蒙氏遣爨蠻酋按

芻鎮牟州築城曰耐籠至元高氏專大理國改命雲南

此麼徒酋夷羨徙民二百戶於黃蓬奔其按芻故城

隸高氏元憲宗四年立牟州千戶黃蓬奔爲百戶至元十二年改爲定遠州黃蓬奔爲南寧縣後革縣爲

州四

鎮南州下州在路北昔樸落蠻所居川名欠舍中有

城曰雜和至唐時蒙氏并六詔征東蠻取和子雜和

二城置石鼓縣又於沙卻置俗富郡沙卻卽今州治  
至段氏封高明量爲楚公欠舍沙卻皆隸之元憲宗  
三年其酋內附七年立欠舍千戶石鼓百戶至元二  
十一年改欠舍千戶爲鎮南州立定邊石鼓二縣二  
十四年革二縣爲鄉仍隸本州

南安州下州在路東南南山嶺稠疊內一峯竦秀林麓

四周其頂有泉昔黑蠻祖瓦晟吳立柵居其上子  
孫漸盛不隸他部至高氏封威楚方隸焉憲宗立摩

芻千戶隸威楚萬戶至元十二年改千戶爲南安州

隸本路領一縣廣通下縣在州之北夷名爲路賧維

縣至段氏封高明量於威楚其後宜州酋些麼徙  
裔易哀等附之至高長壽遂處於路賧易哀去舊  
堡二十里山上築城白龍巖新柵憲宗七年長壽  
內附立路賧千戶至元十二年改爲廣通縣隸南

元史卷七十六志

地理

四

州安

開南州下州在路西南其川分十二甸昔樸和泥二

蠻所居也莊躡王滇池漢武開西南夷諸葛孔明定

益州皆未嘗涉其境至蒙氏興立銀生府後爲金齒

白蠻所陷移府治於威楚開南遂爲生蠻所據自南

詔至段氏皆爲徼外荒僻之地元中統三年平之以

所部隸威楚萬戶至元十二年改爲開南州

威遠州下州在開南州西南其川有六昔樸和泥二

蠻所居至蒙氏興開威楚爲郡而州境始通其後金

齒白夷蠻酋阿只步等奪其地中統三年征之悉降

至元十二年立開南州及威遠州隸威楚路

武定路軍民府下唐隸戎州在滇北昔羶鹿等蠻居之

至段氏使烏蠻阿剛治納泐脫共龍城於其甸又築城名曰易龍其裔孫法瓦浸盛以其遠祖羅婺爲部名元憲宗四年內附七年立爲萬戶隸威楚至元八年并仁德于矢入本部爲北路十二年割出二部改本路爲武定領州二州領四縣本路屯田七百四十八雙

### 州二

和曲州下州在路西南蠻名叵邁甸棘獫諸種蠻所

居地多漢種或謂漢人曾居此蒙氏時白蠻據其地

至段氏以烏蠻阿剛并吞諸蠻聚落三十餘處分兄

弟子姪治之皆隸羅婺部元憲宗六年改叵邁甸曰

和曲至元二十六年升爲州領二縣南甸下路治本

甸又稱泐佩籠至元二十六年改爲縣元謀下夷中舊名環州原治

### 元史卷七十六

志地理

五

縣

祿勸州下州在路東北蠻名洪農碌券甸雜蠻居之

無郡所至元二十六年立祿勸州領二縣易籠下易

城名在州北地名培場縣境有二水蠻語謂泐爲

水城爲籠因此爲名昔羅婺部大酋居之爲羣酋

會集之所至元二十六年立縣石舊日法地日採捨日曲蔽掌鳩

甸有溪遶其三面凡數十渡故名今譌名石舊至元二十六年立縣

鶴慶路軍民府下府治在麗江路東南大理路東北夷

名其地曰鶴川樣共昔隸越析詔漢唐未建城邑開元

未閤羅鳳合六詔爲一稱南詔徙治羊苴畔城地近龍

尾鶴柘今府卽其地也大和中蒙豐祐於樣共立謀統

郡蒙氏後經數姓如故元憲宗三年內附爲鶴州七年

立二千戶仍稱謀統隸大理上萬戶至元十一年罷謀

統千戶復爲鶴州二十年爲燕王分地隸行省二十三

年升爲鶴慶府領縣一劍川下縣治在劍川湖西夷云

節度劍川其一也初蒙氏未合六詔時有浪穹詔與

南詔戰不勝遂保劍川更稱浪劍貞元中南詔擊破

之奪劍共諸川地其酋徙居劍峽西西北四百里號劍

羌蒙氏終至段氏改劍川爲義督驗憲宗四年內附

七年立義督千戶至元十一年罷千戶立

劍川縣隸鶴州軍民屯田共二千餘雙

雲遠路軍民總管府北近鎮西路南與緬鄰漢永昌西

徼地蠻名乞藍部元貞二年雲南省臣耶先不花征

乞藍拔瓦農開陽二寨諸蠻來降乞藍悉平以其地置

雲遠路軍民總管府

徹里軍民總管府徹里卽車里之譯音在元江路西南

倭泥貉獯諸蠻雜居不通中國元憲宗遣兀良合台自

雲南伐交趾經其所部悉降之元貞二年置徹里軍民

總管府

時雲南省言大徹里地與八百媳婦犬牙相錯

地利多相殺掠胡念日與相拒不得離遣其弟胡倫入

朝指畫地形乞別立徹里軍民宣撫使擇通習蠻夷情

狀者爲之帥招其來附以爲進取之地乃立徹里軍民

總管府後叛服不常府廢泰定二年大小車里蠻來貢

獻復立車里軍民總管府以

土酋寒賽爲總管佩金虎符

廣南西路宣撫司在廣西路維摩州之東湖廣田州路

之西古蠻夷地宋時名特摩道儂智高之裔居之元至

元十四年宋知特摩道事農士貴內附立廣南西路宣

撫司

麗江路軍民宣撫司路因江爲名謂金沙江出沙金故

云源出吐蕃界今麗江卽古麗水兩漢至隋唐皆爲越

嵩郡西徼地昔麼蠻些蠻居之遂爲越析詔二部皆烏

蠻種居鐵橋貞元中其地歸南詔元憲宗三年征大理

從金沙濟江麼些負固不服四年春平之立察罕章管  
民官至元八年立宣慰司十三年改爲麗江路立軍民  
總管府二十二年府罷於通安巨津之閒立宣撫司領  
府一州七州領一縣

府一

北勝府在麗江之東唐南詔時鐵橋西北有施蠻者  
貞元中爲異牟尋所破遷其種居之號劍羌名其地  
曰成偈睽又改名善巨郡蒙氏終段氏時高智昇使  
其孫高大惠鎮此郡後隸大理元憲宗三年其酋高  
俊內附至元十五年立爲施州十七年改爲北勝州  
二十年升爲府

州七

元史卷七十六志 地理

七

順州在麗江之東俗名牛睽昔順蠻種居劍川共唐  
貞元閒南詔異牟尋破之徙居鐵橋大婆小婆三探  
覽等川其酋成斗族漸盛自爲一部遷於牛睽至十  
三世孫自睽猶隸大理元憲宗三年內附至元十五  
年改牛睽爲順州

瀘渠州治羅共睽在麗江之東北勝永寧南北之閒  
羅落麼些三種蠻世居之憲宗三年征大理至元九  
年內附十六年改羅共睽爲瀘渠州

永寧州昔名樓頭睽接吐蕃東徼地名蒼藍麼些蠻  
祖泥月烏逐出吐蕃遂居此睽世屬大理憲宗三年  
其三十一世孫和字內附至元十六年改爲州

通安州治在麗江之東雪山之下昔名三睽僕解蠻

所居其後麼些蠻葉古乍奪而有之世隸大理憲宗三年其二十三世孫麥良內附中統四年以麥良爲三聯管民官至元九年其子麥兀襲父職十四年改三聯爲通安州

蘭州在蘭滄水之東漢永平中始通博南山道渡蘭滄水置博南縣唐爲盧鹿蠻部至段氏時置蘭溪郡隸大理元憲宗四年內附隸察罕章管民官至元十二年改蘭州

寶山州在雪山之東麗江西來環帶三面昔麼些蠻居之其先自樓頭徙居此二十餘世世祖征大理自卡頭濟江由羅邦至羅寺圍大匱等寨其酋內附名其寨曰察罕忽魯罕至元十四年以大匱七處立寶

山縣十六年升爲州

巨津州昔名羅波九睽北接三川鐵橋西鄰吐蕃按唐書南詔居鐵橋之南西北與吐蕃接今州境實大理西北陬要害地麼些大酋世居之憲宗三年內附至元十四年於九睽立巨津州蓋以鐵橋自昔爲南詔吐蕃交會之大津渡故名領一縣臨西

大理極邊險僻之地夷名羅哀間居民皆麼些二種蠻至元十四年立大理州縣於羅哀間立臨西縣以西臨吐蕃境故也隸巨津州

東川路下在曲靖路之北金沙江東唐屬南詔宋時段

氏置東川郡大都督後烏蠻闕畔據之號闕畔部元初置萬戶府至元中改闕畔軍民總管府隸烏撒烏蒙宣慰司二十八年改東川路

茫部路軍民總管府下在烏撒烏蒙宣慰司東宋時烏

蠻居此名芒布部元至元中置茫部路軍民總管府隸

烏撒烏蒙宣慰司按東川茫部兩路隸烏撒烏蒙宣慰司當列本司之下今姑仍舊志次此

益良州下強州下

普安路下治在盤町山陽巴盤江東古夜郎地秦爲黔

中地兩漢隸牂牁郡蜀隸興古郡隋立牂州唐置西平

州後改興古郡爲盤州蒙氏叛唐其地爲南詔東鄙東

爨烏蠻七部落居之其後爨酋阿宋逐諸蠻據其地號

于矢部世爲酋長元憲宗七年其酋內附命爲于矢萬

戶至元十三年改普安路總管府明年更立招討司十

六年改爲宣撫司二十二年罷司爲路

曲靖等路宣慰司兼管軍萬戶府

元史卷七十六志地理九

曲靖路闕漢爲益州郡味縣地蜀漢改置建寧郡治此

後又分置興古郡隋初爲恭州協州唐置南寧州東西

爨分烏白蠻二種自曲靖州西南昆川距龍和城通謂

之西爨白蠻自彌鹿升麻二川南至步頭通謂之東爨

烏蠻貞觀中以西爨歸王爲南寧都督襲殺東爨首領

蓋聘南詔閣羅鳳以兵脅西爨徙之至龍和皆殘於兵

東爨烏蠻復振徙居西爨故地世與南詔爲婚居故曲

靖州天寶末征南詔進次曲靖州大敗其地遂沒於蠻

元憲宗六年立磨彌部萬戶至元八年改爲中路十三

年改曲靖路總管府二十年以隸皇太子二十五年升

宣撫司領縣一州五州領六縣本路屯田四千四百八

百八十四匹

縣一

南寧

下倚郭唐以爨歸王為南寧州都督治石城及開羅鳳叛州廢蒙氏改石城郡至段氏烏蠻磨彌部酋據石城元憲宗三年內附六年立千戶隸磨彌部萬戶至元十三年升南寧州二十二年革為縣

州五

陸涼州

下卽漢牂牁郡之平夷縣南詔叛後落溫部

蠻世居之憲宗三年內附立落溫千戶屬落蒙萬戶

至元十三年改為陸涼州領二縣芳華

下在河納下州南治

州南治

越州

下在路之南其川名魯望普麼部蠻世居之憲

宗四年內附六年立千戶隸末迷萬戶至元十二年

改越州隸曲靖路

羅雄州

下與溪洞蠻獠接壤歷代未嘗置郡夷名其

元史卷七十六志

地理

十

地為塔徹納夷甸俗傳盤瓠六男其一曰蒙由邱後

裔有羅雄者居此甸至其孫普恐名其部曰羅雄憲

宗四年內附七年隸普麼千戶至元十三年割夜苴

部為羅雄州隸曲靖路

馬龍州下夷名曰撒匡昔棘刺居之盤瓠裔納垢逐

舊蠻而有其地至羅苴內附於本部立千戶至元十

三年改為州卽舊馬龍城也領縣一通泉

下在州西南與嵩明

州楊林縣接壤納垢之孫易陔分居其地元初為易龍百戶隸馬龍千戶至元十三年改名通泉縣

隸馬龍州

霑益州

下在本路之東北據南盤江北盤江之間唐

初置州天寶未沒於蠻為棘刺二種所居後磨彌部

奪之元初其孫普垢厠內附憲宗七年以本部隸曲

靖磨彌萬戶府至元十三年改霑益州領三縣交水

下治易歐龍城其先磨彌部酋蒙提居之後大理國高護軍逐其子孫爲私邑憲宗五年內附至元十三年卽石梁爲巫居石梁原山至元十三年爲其城立縣石梁

羅山下夷名落蒙山乃磨彌部東境

徽江路下治在滇池東南唐屬牂州隸黔州都督府開

元中降爲羈縻州今夷中名其地曰羅伽甸初麼些蠻

居之後爲爨蠻所奪南詔蒙氏爲河陽郡至段氏麼些

蠻之裔居此甸號羅伽部元憲宗四年內附六年以羅

伽部爲萬戶至元三年改萬戶爲中路十六年升爲徵

江路領縣三州二州領三縣本路屯田四

縣三  
河陽下內附後爲千戶至元十六年降爲縣 江川下在徵江路南星雲

元史卷七十六志 地理 土

湖之北蒙氏叛唐使白蠻居之至段氏些麼徒蠻之裔居此城更名步雄部其後弄景內附卽本部爲千戶至元十三年改千戶爲陽宗下在本路西北明湖江川州二十年降爲縣號曰強宗部其酋盧舍內附立本部千戶至元十三年改爲縣

州二

新興州下漢新興縣唐初隸牂州後南詔叛降爲羈

縻州蒙氏爲溫富州段氏時麼些蠻分居其地內附

後立爲千戶至元十三年改新興州隸徵江路領二

縣普舍下在州西北昔有強宗部蠻之裔長曰部傍

據普具龍城次日普舍據普札龍城二城之西有白城漢人所築二酋屢爭其地莫能定後普舍孫直剛內附立本部爲千戶十三年改千戶爲普舍縣治普札

龍城隸新興州 研和下些麼徒蠻步雄居之其孫

年改爲縣

路南州下州在本路之東夷名路甸有城曰撒呂黑

爨蠻之裔落蒙所築子孫世居之因名落蒙部憲宗朝內附卽本部立萬戶至元七年并落蒙羅伽末迷三萬戶爲中路十三年分中路爲二路改羅伽爲徵

江路落蒙爲路南州隸徵江路領一縣邑市下至元十三年

卽邑市彌歪二城立邑市縣彌沙等五城立彌沙縣二十四年并彌沙入本縣隸路南州

普定路本普里部歸附後改普定府至元中又勅置羅

甸宣慰司於此二十九年司罷仍爲普定府初幹羅思

丞相桑哥及要東木等請勅羅甸宣慰司言召到羅甸國札哇并龍家宋家陀佬猶人諸種蠻夷四萬六千六百戶阿卜阿牙者來朝爲曲靖路宣慰同知脫因及普安路官所阻會雲南行省言羅甸卽普里也歸附後改

普定府印信具存隸雲南省三十餘年賦役如期今所勅羅甸宣慰安撫司隸湖南省幹羅思等擅以兵脅降

普定土官矣資男札哇希古等勒令同其入大德七年

觀邀功希賞乞罷之仍以其地隸雲南制可濟等作亂普

改爲路定知府容直率眾效順容直及其妻適姑亦能

元史卷七十六志 地理 十一

宣力戎行乞令襲其夫職仍改普定爲路隸曲靖宣慰司以適姑爲本路總管佩虎符

仁德府昔燹刺蠻居之無郡縣其部曰仲札溫源後烏

蠻之裔新丁奪而有之至四世孫因其祖名新丁以爲

部號語譌爲仁地憲宗五年內附明年立本部爲仁地

萬戶至元初復叛四年降之仍爲萬戶十三年改萬戶

爲仁德府本府屯田五百六十雙領縣二爲美下縣治在府北地名益浦適侶浪浦

卽仁地故部至元二十四年置縣歸厚下縣治在府西地名易浪浦

年分立二縣曰倘俸曰爲美

二十五年改倘俸曰歸厚

羅羅宣慰司兼管軍萬戶府舊志作羅羅蒙慶等處宣慰司都元帥府而所統路

府無蒙慶名按百官志宣慰使司都元帥府七蒙慶等處居其一又宣慰使兼管軍萬戶府三羅羅斯居其一

列傳脫力世官加羅羅斯宣慰使兼管軍萬戶可知其

處總府正官原名羅羅斯宣慰司兼管軍萬戶其副都元帥乃兼帶職銜未嘗設都元帥府也其散見於紀傳

者止稱羅羅斯宣慰司或無斯字未有兼蒙慶言者舊史本紀泰定四年置蒙慶宣慰司都元帥府其地在八百媳婦蓋載記闕略誤并兩宣慰司爲一今從百官志更正而析出蒙慶宣慰司於後

建昌路下 本古越巂地唐初設中都府治越巂至德中

沒於吐蕃貞元中復之懿宗時蒙詔立城曰建昌府以烏白二蠻實之其後諸酋爭強不能相下分地爲四推

段興爲長其裔浸強遂并諸酋自爲府主大理不能制傳至阿宗娶落蘭部建蒂女沙智元憲宗朝建蒂內附

以其婿阿宗守建昌至元十二年析其地置總管府五州二十三建昌其一路也設羅羅宣慰司以總之本路

領縣一州九州領一縣本路立軍民屯田

縣一

中縣縣治在住頭甸甸蓋越巂之東境也所居烏蠻自別爲沙麻部以酋長所立處爲中州至元十

元史卷七十六志地理三

年內附十四年仍爲中州二十二年降爲縣隸建昌路

州九

建安州下 卽總府所治建蒂旣平分建昌府爲萬戶

二又置千戶二至元十五年割建鄉城十四村及建

蒂四村立寶安州十七年改本千戶爲建安州二十

六年革寶安州以其鄉村來屬

永寧州下 在建昌之東郭唐時南詔立建昌郡領建

安永寧三州元至元九年西平王平建蒂十六年分

建昌爲二州在城曰建安東郭曰永寧俱隸建昌路

瀘州下 州在路西昔名沙城險卽諸葛武侯禽孟獲

之地有瀘水淡廣而多瘴鮮有行者冬夏常熱其源

可燂雞豚至段氏時於熱水甸立城名洩籠隸建昌

憲宗時建蒂內附復叛至元九年平之十五年改漢

籠爲瀘州

禮州下州在路西北瀘沽水東所治曰籠麼城南詔

未諸蠻相侵奪至段氏興并有其地裔孫阿宗內附

復叛至元九年平之設千戶十五年改爲禮州領一

縣瀘沽縣在州北昔羅落蠻所居至蒙氏霸諸部以

烏蠻守此城後漸盛自號曰落蘭部或稱

羅落其裔蒲德遺其姪建蒂內附建蒂繼叛殺蒲

德自爲酋長并有諸部至元九年平之設千戶十

三年升萬戶十五年改縣

里州下唐隸嶺州都督蒙詔時落蘭部小酋阿都之

裔居此因名阿都部傳至納空隨建蒂內附中統三

年叛至元十年其子耶叻效順隸烏蒙十八年設千

戶二十二年同烏蠻叛奔羅羅斯二十三年升軍民

元史卷七十六志 地理 西

總管府二十六年府罷爲州隸建昌路

闕州下州治密納甸古無城邑烏蠻仲由蒙之裔孫

名科居此因以名爲部號後訛爲闕至三十七世孫

棘羅內附至元九年設千戶二十六年改爲州

邛部州下州在路東北大渡河之南越嶲之東北君

長十數禡部最大唐立邛部縣後沒於蠻至宋歲貢

名馬土物封其酋爲邛都王今其地夷稱爲邛部川

治烏弄城昔麼些蠻居之後仲由蒙之裔奪其地元

憲宗時內附中統五年立邛部川安撫招討使隸成

都元帥府至元十年割屬羅羅斯宣慰司二十一年

改爲州

隆州下州在路之西南與漢瑯部縣接境唐會川縣

之西北蒙氏改會川爲會同邏立五驗本州爲邊府  
驗其後驗主楊大蘭於驗北塏上立城分派而居名  
曰大隆城卽今州治也元至元十三年內附十四年  
設千戶十七年改隆州

姜州下姜者蠻名也烏蠻仲牟由之裔阿壇絳始居  
閩畔部其孫阿羅仕大理國主高泰是時會川有城  
曰龍納羅落蠻世居焉阿羅挾高氏之勢攻拔之遂  
以祖名曰絳部憲宗時隨閩畔內附因隸焉至元八  
年爲落蘭部酋建蒂所破九年平之遂隸會川後屬  
木建昌十五年改爲姜州二十七年復屬閩畔部後又  
屬建昌

德昌路軍民府下漢邛都縣地唐沒於南詔路在建昌  
元史卷七十六志地理 五

西南所居蠻號屈部元至元九年內附十二年立定昌  
路以本部爲昌州二十三年罷定昌路并入德昌路治  
本州葛魯城領州四本路立軍  
民屯田

昌州下路治本州初烏蠻阿屈之裔寢強用祖名爲  
屈部其孫烏則至元九年內附十二年改本部爲州  
兼領普濟威龍隸定昌路二十三年罷定昌路并隸  
德昌

德州下在路之北其地今名吾越甸城曰亦苴龍所  
居蠻苴郎以遠祖名部曰頰緹憲宗時內附至元十  
二年立千戶十三年改爲德州隸德平路二十三年  
改隸德昌

威龍州下州在路西南夷名巴翠部領小部三一曰

沙媧普宗二曰烏孫泥祖三曰媧諾龍菖蒲皆獯魯蠻種也至元十五年合三部立威龍州隸德昌

普濟州下州在路西北夷名玆甸昔爲荒僻之地獯

魯蠻世居之後屬屈部至元九年隨屈部內附十五年於玆甸立定昌路二十三年路革改隸德昌

會川路下路在建昌南唐移邛都於此其地當征蠻之

要衝諸酋聽會之所故名天寶末沒於南詔立會川都督府又號清寧郡至段氏仍爲會川府元至元九年內

附十四年立會川路治武安州領州五本路立軍民屯田

武安州下蠻稱龍泥城至元十四年立管民千戶十

七年改爲武安州

黎溪州下古無城邑蠻云黎疆譌爲今名初烏蠻與

元史卷七十六志地理 去

漢人雜處及南詔閣羅鳳叛徙白蠻守之蒙氏終羅

羅逐去白蠻段氏興合羅羅蠻乞夷據其地至元九

年其裔阿夷內附改其部爲黎溪州

永昌州下州在路北治故歸依城卽古會川也唐天

寶末沒於南詔置會川都督至蒙氏改會同府置五

賧徙張王李趙楊周高段何蘇龔尹十二姓於此以

趙氏爲府主居今州城趙氏弱王氏據之及段氏興

高氏專政逐王氏以其子高政治會川元憲宗三年

征大理高氏逃去九年故酋王氏孫阿龍率眾內附

至元八年以其男阿禾領會川十四年改管民千戶

十七年立永昌州隸會川路

會理州下州在會川府東南唐時南詔屬會川節度

地名昔陀有蠻名阿壇絳亦仲由蒙之遺種其裔羅  
於則得昔陀地居之取祖名曰絳部後強盛盡有四  
州之地號蒙歪元憲宗八年其孫亦蘆內附隸闕畔  
萬戶至元四年屬落蘭部十三年改隸會川路十五  
年置會理州仍隸會川二十七年復屬闕畔部

麻龍州下麻龍者城名也地名棹羅能烏蠻蒙次次  
之裔祖居闕畔東川後普恐遷苗臥龍其孫阿麻內  
附至元五年爲建蒂所并十二年屬會川十四年立  
管民千戶隸會川路十七年立爲州二十七年割屬

闕畔部

柏興府昔摩沙夷所居漢爲定柞縣隸越嵩郡唐立昆  
明縣天寶末沒於吐蕃後復屬南詔改香城郡元至元

元史卷七十六

地理

七

十年其鹽井摩沙酋羅羅將獬鹿茹庫內附十四年立  
鹽井管民千戶十七年改爲閩鹽州以獬鹿部爲普樂  
州俱隸德平路二十七年并普樂閩鹽二州爲閩鹽縣

立柏興府隸羅羅宣慰司領縣二閩鹽

下倚郭夷名爲賀頭甸以縣境

有鹽井金縣下縣在府北夷名利寶故名  
茹庫乃漢越嵩郡北境與吐蕃接至元十五年立爲金州後降爲縣以

臨安廣西元江等處宣慰司兼管軍萬戶府

至順二年置

臨安路下唐隸牂州天寶末沒於南詔蒙氏立都督府

二其一曰通海郡段氏改爲秀山郡阿剌部蠻居之元  
憲宗六年內附以本部爲萬戶至元八年改爲南路十

三年又改爲臨安路領縣二千戶一州三州領二縣宣慰

司所領屯田六百雙本路有司所管三千四百雙爨軍千戶所管千有百五十雙有奇

河西

下縣在杞麓湖之西又名其地曰休臘昔莊躡

西其一也天寶後沒於姚州之南置西宗州領三縣河

奪而居之元憲宗六年內附七年即阿契蠻易渠

休臘隸之至元二十三年始為河西蒙自下縣界南鄰

水州縣境有山名曰則漢語謠為蒙自上有故城白

夷所築即今縣治下臨巴甸南詔時以趙氏鎮守至

段氏阿契蠻居之憲宗六年內附繼叛七年平之立

路以本千戶隸阿契蠻萬戶至元十三年改阿契萬戶為臨安

戶為縣

**捨資千戶** 蒙自縣之東阿契蠻所居地昔名衰古又

日部嬭踵甸傳至裔孫捨資因以為名內

附後隸蒙自千戶至元十三年改蒙自為縣其地近

交趾遂以捨資為安南道防送軍千戶隸臨安路

**州三**

**建水州** 下在本路之南近接交趾為雲南極邊治故

**建水城** 唐元和間蒙氏所築古稱步頭亦云巴甸每

**元史卷七十六** 志 地理 六

**秋夏** 溪水漲溢如海夷謂海為惠劇為大故名惠劇

漢語曰建水歷趙楊李段數姓皆仍舊名些麼徒蠻

所居內附後立千戶隸阿契萬戶至元十三年改建

**水州** 隸臨安路

**石平州** 下在路之西南阿契蠻據之得石坪聚為居

邑名曰石坪至元七年改邑為州隸臨安路

**寧州** 下在本路之東唐置黎州天寶末沒於蠻地號

浪曠夷語謂旱龍也步雄部蠻些麼徒據之後屬爨

蠻酋阿幾以浪曠割與寧酋豆圭元憲宗四年寧酋

內附至元十三年改為寧州隸臨安路舊領三縣通

海峒峨西沙西沙在州東寧部蠻世居之其裔孫西

沙築城於此因名西沙籠憲宗四年其酋普提內附

就居此城爲萬戶至元十三年立爲西沙縣二十六

年以隸寧州至治二年并入州領二縣通海元初立

通海千戶隸善闡萬戶至元十三年改通海縣隸

寧海府二十七年府革直隸臨安路後割隸寧州

峒峨下縣在河西縣之西控扼山谷北接滇池亦

其地至其孫阿次內附以其部立千戶至元十三

年改爲州領邛州平甸二縣二十六年降爲縣并

二縣爲鄉隸臨安

路後割隸寧州

廣西路下東爨烏蠻彌鹿等部所居唐爲羈縻州隸黔

州都督府後師宗彌勒二部浸盛蒙氏段氏莫能制元

憲宗七年二部內附隸落蒙萬戶至元十二年籍二部

爲軍立廣西路十八年復爲民領州二

師宗州下在路之東南昔爨蠻逐獠獉等居之其後

師宗據匿弄甸故名師宗部至元十二年立爲千戶

元史卷七十六志地理 九

十八年復爲民二十七年改爲州

彌勒州下在路南昔些麼徒蠻之裔彌勒得郭甸巴

甸部籠而居之故名其部曰彌勒至元十二年爲千

戶十八年復爲民二十七年改爲州

元江路下古西南夷地今元江在梁州之西南又當在

黑水之西南也阿剌諸部蠻自昔據之憲宗四年內附

七年復叛率諸部築城以拒命至元十三年遙立元江

府以羈縻之本紀至元十三年改雲南府以羈縻之南蘿葡甸爲元江府路二十五

王討平之割羅槃馬籠步日思麼羅丑羅陀步騰步竭

台威台陽設栖你陀十二部於威遠立元江路

步日部在本路之西蒙氏立此甸

馬籠部因馬籠山立寨在本路之北所居蠻阿剌元初立爲千戶屬寧州萬戶至元十三年改隸

元江萬戶二十五年屬元江路

大理金齒等處宣慰司都元帥府

大理路軍民總管府上本漢樸榆縣地唐於昆明之楛

棟川置姚州都督府治樸榆洱河蠻後蒙舍詔皮羅閣

逐洱河蠻取太和城至閣羅鳳號大蒙國雲南先有六

詔至是請於朝求合為一從之蒙舍在其南故稱南詔

徙治太和城至異牟尋又遷於喜郡史城又徙居羊苴

啤城即今府治改號大禮國其後鄭趙楊三氏互相篡

奪至石晉時段思平更號大理國元憲宗三年收附六

年立上下二萬戶至元七年并二萬戶為大理路有

在大理城西周廣四百里為雲南形勝要害之地城中

有五花樓唐大中十年南詔王豐祐所建樓方五里高

百尺其上可容萬人世祖征大理時領司一縣一府二

州五府領一縣州領二縣

錄事司憲宗七年立中千戶屬大理萬戶至元十一年罷千戶立錄事司十二年升理州二十一年

年錄事司復立錄事司

縣一

太和倚郭憲宗七年於城內外立上中下三千戶至元二十六年即中千戶立錄事司上下二千戶

縣立

府二

永昌府唐時蒙氏據其地歷段氏高氏皆為永昌府

元憲宗七年分永昌之永平立千戶至元十一年立

永昌州十五年升為府隸大理路領一縣永平下縣在府

東鹿滄江之東即漢博平縣唐蒙氏改勝鄉郡屬永昌至元十一年改永平縣隸永昌府

騰衝府在永昌之西即越睽地唐置羈縻郡蒙氏丸

元史卷七十六志

地理

手

世孫異牟尋取越巂逐諸蠻有其地爲軟化府其後白蠻徙居之改騰衝府元憲宗三年府酋高救內附至元十一年改藤越州又立藤越縣十四年改騰衝府二十五年罷州縣府如故永昌騰衝二府軍民屯田共二萬二千有百五

### 州五

鄧川州下在本路北夷有六詔遼賧其一也唐置遼備州治大釐蒙氏襲而奪之後改德原城隸大理段氏因之元憲宗三年內附七年立德原千戶隸大理上萬戶至元十一年改德原城爲鄧川州領一縣浪

穹下本名彌次乃浪穹詔所居之地唐初其王鐸羅望與南詔戰不勝保劍川更稱浪劍貞元中南詔破之以浪穹施浪浪鄧賧總三浪爲浪穹州元憲宗七年內附立浪穹千戶隸大理上萬戶至元

### 元史卷七十六

志

地理

主

十一年降爲縣隸鄧川州

蒙化州下本蒙舍城唐置陽瓜州天寶閒鳳伽異爲州刺史段氏爲開南縣元憲宗七年以蒙舍立千戶屬大理上萬戶至元十一年立蒙化府十四年升爲路二十年降爲州復隸大理路

趙州下昔爲羅落蠻所居地蒙氏立國有十賧趙州賧其一也夷語賧若州皮羅閣置趙郡閣羅鳳改爲州段氏改天水郡憲宗七年立趙賧千戶隸大理下萬戶至元十一年改爲州又於白崖賧立建寧縣隸

本州卽古勃弄地二十五年縣革入州隸大理路

姚州下唐於枏棟川置姚州都督府天寶閒閣羅鳳

叛取姚州附吐蕃終段氏爲姚州元憲宗三年內附

七年立統矢千戶大姚堡千戶至元十二年罷統矢

立姚州隸大理路領一縣大姚下唐置西濮州後更名髡州南接姚州統

縣四一日青蛉卽此地夷名大姚堡與栢棟川相

接元憲宗七年立千戶隸大理下萬戶至元十一年罷千戶立大姚縣隸姚州

雲南州下唐以漢雲南縣置郡蒙氏至段氏竝爲雲

南州元憲宗七年立千戶隸大理下萬戶至元十一

年立雲南州

順寧府在永昌府永平縣之南蘭滄江西舊名慶甸蒲

蠻居之元泰定四年內附置順寧府舊志闕今據本紀補未詳所隸以地

在永昌府南寶通州與府同置慶甸在府東泰定四年置爲縣

故次於此蒙憐路軍民府其地南鄰木邦至元二十七年從雲南

軍民總管府其餘關

元史卷七十六志 地理 三

蒙萊路軍民府闕其地近蒙憐路

金齒等處宣撫司其地在大理西南蘭滄江界其東緬

地接其西土蠻凡八種曰金齒曰白夷曰僊曰峨昌曰

僊曰緬曰渠羅曰比蘇按唐史茫施蠻本關南種在永

昌之南樓居無城郭或漆齒或金齒故俗呼金齒蠻自

漢開西南夷後未嘗與中國通唐南詔蒙氏興異牟尋

破羣蠻盡虜其人以實其南東北取其地南至青石山

緬界悉屬大理及段氏時白夷諸蠻漸復故地是後金

齒諸蠻浸盛元憲宗四年平定大理繼征白夷等蠻中

統初金齒白夷諸酋各遣子弟朝貢二年立安撫司以

統之至元八年分金齒白夷爲東西兩路安撫使十二

年改西路爲建寧路東路爲鎮康路十五年改安撫爲

宣撫立六路總管府二十三年罷兩路宣撫司并入大理金齒等處宣撫司

柔遠路在大理之西永昌之南其地曰潞江曰普坪  
曰申臉  
勐寨曰烏摩坪  
勐蠻即通典所謂黑爨也  
中統初  
勐酋阿八思入朝至元十三年與茫施鎮康鎮西平  
緬麓川俱立爲路隸宣撫司

茫施路在柔遠路之南瀘江之西其地曰怒謀曰大枯  
睽曰小枯  
睽即唐史所謂茫施蠻也  
中統初內附至元  
十三年立爲路隸宣撫司

鎮康路在柔遠路之南蘭江之西其地曰石睽亦黑  
勐所居  
中統初內附至元十三年立爲路隸宣撫司

鎮西路在柔遠路正西東隔麓川其地曰于賴  
睽曰渠  
元史卷七十六志地理

瀾睽白夷蠻居之中統初內附至元十三年立爲路隸  
宣撫司

平緬路北近柔遠路其地曰驃睽曰羅必四莊曰小沙  
摩弄曰驃睽頭白夷居之中統初內附至元十三年立  
爲路隸宣撫司

麓川路在茫施路東其地曰大布茫曰睽頭附寨曰睽  
中彈吉曰睽尾福祿培皆白夷所居中統初內附至元  
十三年立爲路隸宣撫司

南睽在鎮西路西北其地有阿賽  
睽午眞  
睽白夷  
峨昌所居  
元初內附至元十五年隸宣撫司  
金齒六路一  
睽歲賦金銀各有  
差

烏撒烏蒙宣慰司在本部巴的甸烏撒者蠻名也其部

在中慶東北七百五十里舊名巴兀姑今日巴的甸  
自昔烏雜蠻居之今所轄部六曰烏撒部阿頭部易溪  
部易娘部烏蒙部闕畔部其東西又有芒布阿晟二部  
後烏蠻之裔折怒始強大盡得其地因取遠祖烏撒爲  
部名憲宗征大理累招不降至元十年始附十三年立  
烏撒路十五年爲軍民總管府二十一年改軍民宣撫  
司二十四年升烏撒烏蒙宣慰司後至元元年改隸四  
川行省

蒙慶等處宣慰司都元帥府在八百媳婦地西接木邦  
路泰定四年八百媳婦別部酋招南通內附請官守置  
蒙慶宣慰司都元帥府及木安孟傑二府於其地以同  
知烏撒宣慰司事你出公與招南通竝爲宣慰使都元

元史卷七十六志 地理 孟

帥南通子招三斤知木安府姪混益知孟傑府舊志闕今據舊

史泰定帝本紀補

木安府舊志闕今補見上

孟傑路舊志次茫部路後普安路前今移此泰定四年置府未詳何時升爲路

木連路軍民府闕

蒙光路軍民府闕

木邦路軍民府其地北界茫施路西與緬鄰東接八百媳婦至元二十六年立

孟定路軍民府在鎮康路之南至元十六年立後廢天祿二年復立至順二年升總管府秩從

品三

謀粘路軍民府在孟定路東南元至元中立

南甸軍民府在麓川路之北騰衝府之南至元二十六年立

六難路甸軍民府闕

陋麻和管民官

雲龍甸軍民府 在大理西永昌府永平縣北唐爲匡州西境蒙氏謂之雲龍甸元至元未立軍

民

標甸軍民府 一作驟甸其地近緬餘闕

二十四寨達魯花赤

孟隆路軍民府 泰定三年孟隆甸土官吾仲來獻方物以其地置孟隆路

木朵路軍民總管府 至元三十年以金齒木朵甸戶口增殖立下路總管府其爲長者給

兩珠虎符又舊史本紀泰定三年大車里昭哀姪哀用來獻方物以昭哀地置木朵路一木來州一其地蓋六

車里之別部車里卽徹里見前

金齒孟定各甸軍民官

孟愛等甸軍民府 至元三十一年金齒新附孟愛甸酋長遣其子來朝卽其地立軍民總管

府

元史卷七十六

志 地理

蓋

蒙兀路

通西軍民總管府 在麓川路西南大德元年蒙陽甸酋領緬結納款遣其弟阿不刺等赴闕

進方物且請歲貢銀千兩及置郡縣驛傳遂立通西軍民府

木來軍民府 至元二十九年雲南省言新附金齒道當芒兀圖爾迷失出征軍馬之衝資其芻糧

擬立爲木來路中書省奏置散府以布伯爲達魯花赤用其土馬列知府事

雲南省邊徼羈縻土官其散見於紀傳爲舊志所未

載者今附其名於左

銀沙羅甸等處宣慰司都元帥府 天祿二年雲南省蒙通蒙算甸土官阿三

木開南土官哀放八百媳婦金齒九十九洞銀沙羅甸咸貢方物置銀沙羅甸等處宣慰司都元帥府

景東甸軍民府 至順二年雲南景東甸蠻官阿只弄遣其子罕旺來朝獻馴象乞升甸爲景東

軍民府阿只弄知府事罕旺爲千戶常賦外歲增輸金五十兩銀七百兩許之按前明改元開南州爲景東府

元時景東甸蓋近開南州故明罷開南州而移景東之名於州地建爲府

孟昂路軍民總管府至順二年與孟定路軍民總管府同置秩從三品

者線軍民府至順二年置

蒙慶甸軍民府至順二年置

蘆傳路軍民總管府至順二年置以土官為之制授者各給金符

老告軍民總管府後至元四年雲南老告土官八那遣姪那旺齋象馬來朝為立老告軍民

總管府

邦牙等處宣慰司都元帥府並總管府在緬地後至元四年置先是世

祖既定緬地以其處雲南極邊就立其酋長為帥令三年一貢自後叛服不常至是來貢故立官府以嘉獎之

至正二年罷宣慰司餘詳外國志緬

老丫耿凍路軍民總管府至正七年雲南老丫等蠻來降為立此府老丫寰宇記作

老

征東等處行中書省領府二司一勸課使五大德三年立

元史卷七十六

志

地理

幾罷至治元年復立以

高麗國王為左丞相

高麗國事蹟見外國志至元十八年王瞻言本國置站

立水驛自耽羅至鴨綠江并楊村海口凡三十所

瀋陽等路高麗軍民總管府

征東招討司

各道勸課使

慶尙州道

東界交州道

全羅州道

忠清州道

西海道

耽羅軍民總管府大德五年立

安南郡縣附錄

安南古交趾也陳氏叛服之蹟已見本志今取其城邑之可紀者錄于左方

大羅城路漢交趾郡唐置安南都護府宋時郡人李公蘊立國於此及陳氏立以其屬地置龍興天長長安府

龍興府本多岡鄉陳氏有國置龍興府

天長府本多墨鄉陳氏祖父所生之地建行宮於此歲一至示不忘本故改曰天長

長安府本華閩洞丁部領所生之地五代末部領立國於此

歸化江路地接雲南

宣化江路地接特磨道

元史卷七十六

地理

毛

沱江路地接金齒

諒州江路地接左右兩江

北江路在羅城東岸瀘江水分入北江江有六橋

如月江路

南冊江路

大黃江路

烘路

快路

國威州在羅城南

此以下州多接雲南廣西界雖名州其實洞也

古州在北江

仙州古龍編

富良

父司農 一云楊舍

定邊 一云明媚

萬涯 一云明黃

文周 一云門州

七源

思浪

大原 一云黃源

通農

羅順 一云來神

梁舍 一云梁个

平源

光州 一云明蘇

元史卷七十六 志 地理

天

渭龍 一云乙舍

道黃 即平林場

武寧 此以下縣接雲南廣西界雖名縣其實洞也

萬載 邱溫

新立 悅縣 紙縣 歷縣 闌橋

烏延 古勇 供縣 窟縣 上坡

門縣

甲日社

清化府路漢九真隋唐為愛州其屬邑更號曰江曰場曰

梁江 波龍江 古農江 宋舍江 茶江

安暹江 分場 古文場 古藤甲 支明甲

古宏甲 古戰甲 緣甲

父安府路漢日南隋唐為驩州

倍江 惡江 偈江 尙路社

唐舍社 張舍社

濱州路本日南屬縣曰扶演安仁唐改濱州

孝江 多壁場 巨賴社 他袁社

布政府路本日南郡象林縣東濱海西際真臘南接扶南

北連九德東漢末區連般象林令自立國稱林邑唐時有

環王者徙國于占曰占城今布政乃林邑故地

自安南大羅城至燕京約百有十五驛計七千七百餘里

邊氓服役

占城 王琴 蒲伽 道覽

涿淮 稔婆羅 獠

元史卷七十六 志 地理 完

元史卷七十六終

河渠

元有天下內立都水監外設各處河渠司以興舉水利修理河堤爲務決雙塔白浮諸水爲通惠河以濟漕運而京師無轉餉之勞導渾河疏灤水而武清平灤無墊溺之虞浚治河障滹沱而眞定免決鬻之患開會通河於臨清以通南北之貨疏陝西之三百以漑關中之田泄江湖之淫潦立捍海之橫塘而浙右之民得免於水患當時之善籌河如賈魯余闕善言水利如郭守敬吉當普虞集等皆一代之事功不可泯焉者舊志淆雜允復漫無統紀今以黃河運河列前而捍水患興水利以類次庶若網在綱至若引溢水以灌沼州之城濠浚龍山河以便錢塘之舟運其役極細不復志云

元史卷七十七

志

河渠

一

黃河上

黃河自金章宗明昌五年始南徙奪汴泗入淮世祖至元九年七月衛輝路新鄉縣廣盈倉南河北岸決二百餘步將及倉命都水監丞馬良弼修完之二十五年汴梁路陽武縣諸處河決二十二所命宣慰司修治成宗大德三年河決蒲口等處浸歸德府數郡差官修築二十五處共長三萬九千九十二步總用葦四十萬四千束椿二萬四千七百株役夫八千人武宗至大三年用河北河南道廉訪司言置都水分監於汴梁增官二員鑄分監印巡視御河修缺疏淺禁船越次并分巡提點黃河以時修治初大德九年黃河決徙逼汴梁有司權開董盆口分入巴河以殺

其勢遂使正河水緩明年急遣都水監閉塞而其勢愈大南至歸德北至濟寧連年爲害至是工部議精選深知地形水勢者專任河防之職往來巡視以時疏塞乃命都水分監官專治河患任滿交代仁宗延祐元年復委太常丞郭奉政前都水監丞邊承務都水監卿多爾只等上自河陰下至陳州沿河相視五年正月用河北河南道廉訪副使輿屯言命都水監移文汴梁分監修治增築汴堤通長二十餘里勦修護城堤一道長七千四百四十三步下地修堤下廣十六步上廣四步高一丈六十尺爲一工隄東二十步外取土內河溝七處深淺高下闊狹不一用夫八千四百有奇周月工畢內流水河溝南北闊二十步水深五尺河內修隄底闊二十四步上廣八步高丈五尺積十

二萬尺取土稍遠四十尺爲一工計三萬工七年六月河決滎澤縣塔海莊及開封縣蘇邨等處本省官并工修築隄岸四十六處用夫三萬有千四百文宗至順元年六月河決曹州濟陰縣魏家道口新舊三隄一時咸決東西長千五百步旣而魏家道口復衝破新舊隄七處共長萬有二千二百二十八步下廣十二步上廣四步高丈有二尺委官堵塞先後用夫六千三百人椿九百九十葦箔千有三百二十草萬有六千五束五旬甫畢九月適大風雨辛馬頭孫家道口隄堰又壞計工役倍於元數復增夫二千此皆至順以前之河事隨時補救無大工大役也順帝至正四年夏五月黃河暴溢北決白茅隄六月又北決金隄並河郡邑濟寧單州虞城碭山金鄉魚臺豐沛定陶楚邱

武城以至曹州東明鉅野鄆城嘉祥汶上任城等處皆罹其患水勢北侵安山沿入會通運河延袤濟南河間將壞鹽場妨國計朝廷患之遣使訪求治河方略九年冬脫脫復相慨然有志事功請躬任河事帝命集羣臣廷議而言人人殊惟監察御史余闕言禹河自大伾而下醜爲二渠皆東北流自周定王時河始南徙訖於漢而禹之故道始失自瓠子再決而其流爲屯氏諸河其後河入千乘偶合於禹所治河由是而訖東都至唐河不爲患者千數百年趙宋時河又南決至於南渡乃由彭城合汴泗東南以入淮而漢之故道又失嘗攷中國之地西南高而東北下水至中國而入海者一皆趨於東北古河自龍門卽穿西山踵趾而入大陸地之取下者也河之行於冀州北方也

元史卷七十七

志

河渠

三

數千年而徙千乘自漢而後千數百年而徙彭城然南方之地本高於北故河之南徙也難而其北徙也易自宋南渡至今殆二百年而河旋北乃地勢使然非關人力也比者河北破金堤踰豐沛曹鄆諸郡大受其害天子哀民之墊溺乃疏柳河欲引之南工不就今諸臣集議多主濬河故道復引河以南入彭城築隄起曹南訖嘉祥東西三百里以障河之北流則漸可圖以導之使南嗟乎諺有之曰不習爲吏旼已成事今所謂南流故道者非河之故道也使反於大禹北流之故道由漢之千乘以入海則國家將無水患千餘年如東漢與唐之時而又何必障而排之使南乎今廟堂之議非以南爲壑也其慮以爲河之北則會通之漕廢不知河卽北而會通之漕不廢何也漕以汶而

不以河也河北流則汶自彭城以下必微微則吾有制而治之亦可以行舟以漕粟所謂浮於汶達於河者是也闕特欲防鉅野而使河不妄行俟河復千乘然後相水之宜而修治之此千古之明鑒非一人之私言也時都漕運使賈魯嘗爲都水使者奉命視河亦具圖獻二策一議修築北隄以制橫潰其用功省一議浚塞竝舉挽河南行復故道其功費甚大與余闕議相仿而脫脫喜功名好爲其難獨用後策乃薦魯於上十一年四月命魯以工部尙書爲總治河防使發汴梁大名十有三路民十五萬人廬州等戍十有二翼軍二萬人供役一切從事大小軍民咸稟節度便宜興繕是月鳩工七月疏鑿成八月決復故河九月舟楫通行十一月水上工畢諸埽諸堤成河乃復南趨淮

泗以入海帝遣貴臣報祭河伯召魯還京師論功超拜集賢大學士賜丞相脫脫世襲荅刺罕之號特命翰林學士承旨歐陽玄撰河平碑以旌其勞玄旣爲碑又自以爲司馬遷班固記河渠溝洫僅載治水之道不言其方使後世無所程式乃從魯問方略及訪過客質吏牘作至正河防記以示來世其言治河有疏濬塞三法甚詳然其言皆吏卒河工舍本治標束水於堵之法但圖防河不圖治河視余闕改河北流一勞永逸之策相去天淵故今不載至於後人因童謠有石人一隻眼挑動黃河天下反之語及魯治河果於黃陵岡得石人一眼而汝潁之妖寇乘時而起議者往往遂以天下之亂歸咎於是役是則無妄之災不可爲公論秦不築長城隋不開邗溝謂二代之亂卽無從

而起豈其然乎要之魯之才足以治河有餘而朝廷不能  
用其上策魯亦不能力守其初議難免於春秋之責備者  
也

黃河下 河源

河源有二一爲慈嶺初源一爲青海重源禹貢導河自積  
石始尙未及青海之上游漢使張騫持節道西域度玉門  
見二水交流發慈嶺趨于闐匯鹽澤伏流千里至積石而  
再出此河未入中國之初源也唐薛元鼎使吐蕃訪河源  
得之於悶磨黎山此入中國河之旁源乃慈嶺之南榦也  
元有天下薄海內外皆置驛傳使驛往來如行中國劉郁  
西使記言至慈嶺其水分東西流其東流者爲中國黃河  
源與張騫說合而未得其潛源重發之蹟至元十七年命

元史卷七十七志 河渠

五

都實爲招討使佩金虎符往求河源蓋止求中國之重源  
云舊史都實自河州東六十里之靈河驛驛西南六十里  
有山曰般馬關林麓穹隘舉足寢高行一日至巔西去愈  
高四閱月始抵河源是冬還報并圖其城傳位置以聞其  
後翰林學士潘昂霄從都實之弟曰闕闕出者得其說撰  
爲河源志臨川朱思本又從八里吉思家得帝師所藏梵  
字圖書而以華文譯之與昂霄所志互有詳略舊志取昂  
霄之書而以思本說注其下參差不一按河源在吐蕃朵  
甘思西鄙有泉百餘泓沮洳散渙弗可逼視方可七八十  
里履高山下瞰燦若列星以故名火敦淖爾火敦譯言星  
宿也淖爾譯言海子也

思本日河源在中州西南直四川  
馬湖蠻部之正西三千餘里雲南  
麗江宣撫司之西北千五百餘里帝師撒思加地之西南  
二千餘里水從地涌出如井其井百餘東北流百餘里匯

爲大澤曰火敦淖爾羣流奔轉近五七里匯二巨澤名阿刺淖爾自

西而東連屬吞噬行一日迤邐東驚成川號赤賓河又二

三日有水西南來名亦里出水與赤賓河合又三四日有

水南來名忽蘭水又有水東南來名耶里朮水合流入赤

賓河其流寢大始名黃河然水猶清人可涉思本日忽蘭

山其地大山峻嶺綿五千里水流五百餘里注耶里出南

耶里出河源亦出自南山西北流五百餘里始與黃河合

又一二日岐爲八九股名耶孫翰倫譯言九渡通廣五七

里可度馬又四五日水渾濁土人抱革囊騎過之聚落糾

木榦象舟傳髦革以濟僅容兩人自是兩山挾束廣可一

里二里或半里其深叵測朵甘思東北有大雪山取高譯

言騰乞里塔卽崑崙山腹至頂皆雪冬夏不消土人言遠

年成冰時六月見之自九渡水至崑崙行二十日思本日

元史卷七十七 志 河渠

六

東北流二百餘里與懷里火圖河合懷里火圖河源自南

山水正北偏西流入百餘里與黃河合又東北流百餘里

過耶麻哈地又正北流百餘里乃折而西北流二百餘里

又折而不正北流百餘里又折而東流過崑崙山下番名亦

耳麻不刺山其山高峻非常出麓綿互五百餘里思本日

餘里河隨山足東流過撒思加闊卽闊提地思本日河行雪山南

半日又四五日至地名闊卽及闊提二地相屬又三日地

名哈刺別里赤爾四達之衝也多寇盜有官兵鎮之近北

二日河水過之思本日河過闊提與亦西入思今河合亦

五百餘里積石雪山以西人簡少多處山南山皆不穹峻

水亦散漫獸有髦牛野馬狼狽獐羊之類其東山蓋高地

益漸下岸狹隘處狐可越而過之行五六日有水西南來

名納鄰哈刺河譯言細黃河也思本日哈刺河自白狗嶺

與黃河合又兩日有水南來名乞里馬出河二水合流入河思本日

而西北流經崑崙之北二百餘里與乞里馬出河合乞里

馬出河源自威茂州之西北岷山之北水北流卽古當州境正北流四百餘里折而西北流又五百餘里與黃河合  
河水北行轉西流過雪山北一向東北流約行半月至貴  
德州地名必赤里始有州治官府州隸吐蕃等處宣慰司  
司治河州又四五日至積石州卽後世所誤認之小積石  
山非禹貢導河之積石五日至河州安鄉關一日至打羅  
坑東北行一日洮河水南來入河思本曰自乞里馬出河與黃河合又西北流過西寧  
州貴德州馬嶺凡八百餘里與邈水合又東北流過土橋  
站古積石州來羌城鄭州構米站界都城凡五百餘里過  
河州與野麻河合又東北流百餘里過踏州城銀川站與  
湟水浩疊河合又東北流百餘里過踏州城銀川站與  
餘里與洮河合以上皆番地又一日至蘭州過北下渡至  
鳴沙河過應吉里州正東行至寧夏府南東行卽東勝州  
隸大同路自發源至漢地南北澗溪細流旁貫莫知紀極  
山皆草石至小積石方林木暢茂世言河九折彼地有二

元史卷七十七志 河渠 七

折云蓋乞里馬出河一折也貴德州二折也過此始入小

積石思本曰自是逕蘭州又東北流至寧夏府出塞過游牧地凡八百餘里過豐州西受降城折而正東流過

正南流過大同路雲內州東勝州與黑河合又正南流過

保德州葭州及興州境又過臨州凡千餘里與保德州乞

那河合又南流二百里過河延安河合又南流三百里與汾

水勢不可復南乃折而東流大概河源東北流所歷皆西

番地至蘭州凡四千五百餘里始入中國又東北流過沙

漠地凡二千五百餘里始入河東境內又南流至河中凡

計九千餘里以上舊史所述如此至我朝乾隆間戡

定回疆版圖直包葱嶺始知其地爲黃河之初源當爲崑

侖正猶貴德之西有三崑都倫河橫入於河蒙古語崑都

倫爲橫河則今回部所稱葱嶺爲崑崙山亦以橫嶺得名

耳元人所訪星宿海乃黃河重出中國之源在禹貢積石

之上其說亦確鑿可憑故全錄舊史大文小注略加節潤

以存中國河源之梗概

北運河一

通惠河

通惠河其源出於白浮甕山諸泉世祖至元二十八年都水監郭守敬奉詔興舉水利因建言疏鑿通州至都河改引渾水溉田別於舊牐河故迹導清水上自昌平縣白浮邨引神山泉西折南轉過雙塔榆河一畝玉泉諸水至西門入都城南匯爲積水潭東南出文明門東至通州高麗莊入白河總長百六十四里又百步塞清水口十二處共長三百有十步壩牐十處共二十座節水以通漕運從之首事於至元二十九年之春告成於三十年之秋賜名曰通惠凡役軍萬九千有奇工匠五百有四十水手三百沒官囚隸百有七十計二百八十五萬工用楮幣百五十二

元史卷七十七志 河渠

八

萬錠糧三萬八千七百石木石等物稱是役興之日命丞相以下皆親畚鍤爲之倡置牐之處往往得地中舊甌木時人歎服船旣通行公私兩便先時通州至大都五十里陸挽官糧歲若干萬民不勝其悴至是皆罷之其壩牐之名曰廣源牐西城牐二上牐在和義門外西北一里下牐在和義水門西三步海子牐在都城內文明牐二上牐在麗正門外水門東南下牐在文明門西南一里魏邨牐二上牐在文明門東南一里下牐西至上牐一里籍東牐二在都城東南王家莊郊亭牐二在都城東南二十五里銀王莊通州牐二上牐在通州西門外下牐在通州南門外楊尹牐二在都城東南三十里朝宗牐二上牐在萬億庫南百步下牐去上牐百步成宗元貞元年詔新開運河牐

其撥守護巡防軍千有五百又設提領三員督之歲時修治其西城牐改名會川海子牐改名澄清文明牐仍用舊名魏邨牐改名惠和籍東牐改名慶豐郊亭牐改名平津通州牐改名通流河門牐改名廣利楊尹牐改名普濟武宗至大四年從省臣言河牐皆易木爲甌石以期永久文宗天庥三年又詔大都運糧河上下游隄堰泉水嚴禁挾勢偷決

凡通惠河上源諸水有關修濬者一曰壩河亦名阜通七壩成宗大德六年三月京畿漕運司言歲漕米百萬全藉船壩夫力自冰開發運至河凍計二百四十日日運糧四千六百餘石所轄船夫千三百餘人壩夫七百餘晝夜不息今歲水漲衝決壩隄六十餘處雖已修畢尙恐淺澀低

元史卷七十七

志

河渠

九

薄又再加修理計深溝壩九處王邨壩二處鄭邨壩一處西陽壩三處郭邨壩三處千斯壩下一處總用工三萬二百四十此外尙有金口河至正二年中書參議孛羅帖木爾建言請起通州南高麗莊直至西山石峽鐵板開水古金口百二十餘里開新河一道深五丈廣二十丈放西山金口水東流至高麗莊合御河接引海運丞相脫脫奏行之左丞許有壬力言其不可眾口一辭丞相終不從既而功果不成淹民廬舍無算孛羅伏誅一曰金水河其源出宛平縣玉泉山流至義和門南水門入京城故得金水之名至元二十九年以金水河所經運石大河及高良河西河俱有跨河跳槽今已損壞命新之半載工畢至大四年引金水河水注之光天殿西花園石山前舊池置牐四

以節水一曰隆福宮前河其水與太液池通世祖時金水河濯手有禁後則洗馬者有之至治二年有詔疏濬禁穢污一曰積水潭卽海子岸上接龍玉堂以石甃其四周聚西北諸泉之水流入都城而匯於此其水入大內禁澣浴飲馬牛及棄土石南岸袤百二十五丈繚以赤闌以閑行旅其道當兩城之衝至治三年以南岸風浪衝齧不時潰陷車馬泥濘復加石砌焉一曰雙塔河源出昌平縣孟邨一畝泉經雙塔店而東至豐善邨入榆河至元三年巡河官言朔開雙塔河未及堅久恐水漲時決壞走泄水勢有誤運船準制國用司給所需都水監差夫修治焉一曰白浮甕山卽通惠河上源也白浮泉水在昌平縣界西折而南經甕山泊自西水門入都城焉成宗大德七年夏晝夜

元史卷七十七志

河渠

十

雨不止夜半山水暴漲隄決於是都水監委官塞築十一年三月河隄復崩三十餘里乃編荆笆爲水口以泄水勢計修笆口十一處仁宗皇慶元年都水監請修治水隄低薄崩陷處長三十七里二百餘步延祐元年以白浮甕山下至廣源腠隄堰多淤澱淺塞命疏濬之泰定四年八月霖雨山水溢衝決笆口沒民田復修治之役軍二千閱四十五日

北運河二 潞河 御河

通惠河以南曰潞河卽白河也在潮州東四里北出通州潞縣南入通州境又東南至香河縣界又流入武清縣境達於靜海縣界至元三十年九月漕司言通州運糧河全仰白榆渾三河之水合流名曰潞河以利舟楫今歲新開

潞河分引渾榆二河上源之水故自李二寺至通州三十餘里河道淺澀今春夏天旱有止深二尺處糧船不通改用小船搬載曠期勞耗先是都水監相視白河自東岸吳家莊前就大河西南斜開小河二里許引榆河合流至深溝壩下以通漕舟今丈量自深溝榆河上灣至吳家莊龍王廟前白河西南至壩河八百步及巡視知榆河上源築閉其水盡趨通惠河止有白佛靈溝一子母三小河水入榆河泉脈微不勝舟擬自吳家莊就龍王廟前閉白河於西南開小渠引水自壩河上灣入榆河庶可漕運又深溝樂歲五倉積貯新舊糧七十餘萬石站車挽運艱緩查通州城北通惠河積水至深溝邨西水渠去倉甚近擬自積水處由舊渠北開四百步至倉西北以小船運載甚便都

省從之大德二年五月中書省劄付都水監運糧河隄自楊邨至河西務三十五處用葦萬九千有百四十束軍夫二千六百四十九名度三十日畢楊邨河上接通惠諸河下通滹沱入江淮使官民舟楫直達都邑利國便民柰楊邨隄岸隨修隨圯候來春水涸土乾再調軍夫修治延祐六年十月省臣言漕運糧儲及南來商賈舟楫皆由直沽達通惠河今岸崩泥淺不早疏浚有礙舟行必致物價翔涌都水監宜分官一員以時巡視修築至治元年正月樞密院議準漕司言夏運海糧百八十九萬餘石轉漕往返全藉河道通便今小直沽汊河口潮汐淤壅七十餘處宜加疏濬但軍人不敷若差民丁恐妨東作其令大都募民夫三千修之泰定三年三月都水監言河西務菜市灣水

勢衝齧與倉相近將來爲患宜於對河東岸截河築隄改水道與舊河合可杜後患四年正月省臣奏準樞府差軍五千大都路募夫五千人本監工部委官與前衛董指揮同監役天厯二年三月漕司言新開河北舊河運糧迂遠乞委官相視復開舊河便奏準差軍七千以冬寒候凍解興役三年於近甸募民夫三千修之

潞河以南曰御河卽衛河也自大名路魏縣界經元城縣泉源鄉東北流下接館陶縣界三口御河上從交河縣入清池縣界又永濟河在清池縣西三十里自南皮縣來入清州元世呼爲御河也至元三年都水監言運漕河二千餘里自金末兵興失於修治清州之南景州以北顏闕崖口三十餘處淤塞十五里及癸巳年修濬後今又三十餘

元史卷七十七

志

河渠

三

年無官主領滄州水面高於平地全藉隄堰防護沿岸民家掘隄作井深至丈餘引水以溉園圃復有就隄取土栽樹漸至闕破不惟漕舟妨運或致漂民田舍其長蘆以北索家馬頭之南水內暗椿破舟部議以濱河州縣佐貳之官分地巡視修治闕破拔去椿檣仍禁穿隄取土至大元年六月水決會川縣孫家口岸二十餘步南沒屯田河間路左胡屯田萬戶府差軍築塞十月大名路濬州言七月連雨清石二河水溢東南橫流上自衛輝路汲縣東北連淇門西舊黑蕩泊溢流出岸漫黃河古隄東北流入本州齊賈泊復入御河漂及民舍乃下流漳水漲溢遏絕不通所致又御河水驟漲四尺其水逆流明是下流漲水壅逆請差官巡治延祐三年七月滄州言往年景州吳橋諸處

御河水溢衝決隄岸萬戶千奴爲恐傷其屯田差軍築塞舊洩水口故水無所洩浸民廬及已熟田數萬頃乞遣官疏關引水入海及七月四日決吳橋縣柳斜口東岸三十餘步千戶伊僧又遣軍閉塞郎兒口水壅不得洩必致漂蕩三十餘邨廬舍請官相視開關明年都水監遣官與河間路官相視原塞郎兒口東西長二十五步南北闊二十尺及隄南高丈四尺北高二丈餘復按視郎兒口下流故河至滄州約三十餘里上下古迹寬闊乃減水故道名曰盤河令開闢郎兒口增浚故河決積水由滄州城北達滹沱河以入於海泰定元年九月都水監遣官督丁夫六千人於二十八日興工十月二日畢

北運河三

會通河

元史卷七十七

志

河渠

三

會通河起東平路須城縣安山之西南由壽張西北至東昌又西北至臨清以逾於御河至元二十六年壽張縣尹韓仲暉大史院令史邊源等言開河置牐引汶水達舟於御河以便公私漕販中書省遣漕副馬之貞按視圖上可開狀詔出楮幣百五十萬緡米四百石鹽五萬斤以爲傭直徵丁夫三萬遣斷事官芒速爾禮部尚書張孔孫兵部尚書李處巽等董其役起須城安山之西南止臨清之御河其長二百五十餘里中建牐三十有一度高低分遠邇以節蓄洩起正月至六月成賜名會通河二十七年以馬之貞言霖雨岸崩河道淤淺宜加修濬奏撥丁戶三千專供其役是後歲委都水監官巡視督工易牐以石視緩急爲後先至泰定二年始克畢事會通鎮牐三土壩一在臨

清縣北頭牐長百尺闊八十尺兩直身各長四十尺兩雁  
翅各斜長三十尺高二尺牐空闊二丈自至元三十年正  
月朔興工凡役夫匠六百六十名至十月末工畢以後各  
牐長廣皆與上同中牐南至隘船牐三里隘船牐南至李  
海務牐百五十二里土壩二李海務牐南至周家店牐十  
二里周家店牐南至七級牐十二里七級牐二北牐至南  
牐三里南牐南至阿城牐十二里阿城牐二北牐南至南  
牐三里南牐南至荆門北牐十里荆門牐二北牐南至荆  
門南牐二里南牐南至壽張牐六十三里壽張牐南至安  
山牐八里安山牐南至開河牐八十五里開河牐南至濟  
州牐百有二十四里濟州牐三上牐南至中牐三里中牐  
南至下牐二里下牐南至趙邨牐六里趙邨牐南至石佛

牐七里石佛牐南至辛店牐十三里辛店牐南至師家店  
牐二十四里師家店牐南至棗林牐十五里棗林牐南至  
孟陽泊牐九十五里孟陽泊牐南至金溝牐九十里金溝  
牐南至隘船牐十二里沽頭牐二北隘船牐南至下牐二  
里南牐南至徐州百二十里三汊口牐入鹽河南至土山  
牐十八里土山牐南至三汊口牐二十五里入鹽河兗州  
牐堽城牐延祐元年省臣言江南行省起運諸物皆由會  
通河以達於都而河道淺澀一船膠滯萬船齟齬故往時  
止許行百五十料船近年權貴竝富商貪嗜貨財造三四  
百料或五百料船以致沮滯舟楫宜於沽頭置小石牐一  
止許行百五十料船及於臨清亦置小牐以禁約大船不  
許入運從之至治三年四月都水分監言會通河沛縣東

金溝沽頭諸處地高水淺前置二滾水堰近於沽頭牐上增置隘牐以限巨舟每經霖雨則三牐月河截河土堰盡爲衝決來春修治勞費百倍又況近年雨多水溢月河工堰及石牐雁蔽日被衝齧土石相離深及數丈其工至今未完今若於沽頭月河內修石堰牐一所更將隘牐移至金溝牐或沽頭牐兩處月河內水大則大牐俱開使水得通流小則閉金溝大牐上開隘牐沽頭則閉隘牐而啟正牐行舟則可省歲修之費及丁夫冬寒入水之苦誠爲一勞永逸運河利病不出兩端一曰壅決二曰經行攷自古立國引漕皆有成式自世祖屈羣策濟萬民疏河渠引清濟汶泗立牐節水以通南北舟楫振古所無又立南北隘牐以限巨舟而愚民嗜利無厭復改造長船八九十尺甚

至百尺入牐內不能回轉動輒阻礙蓋緣隘牐之法不能限其長短也查過牐船梁八尺五寸其船止該長六丈五尺宜於牐下八十步立二石凡舟至彼驗量如式方許入牐違者罪之天祿三年三月詔諭中外都水監言世祖闢會通河以通漕運近日往來使臣及有權勢之人到牐不候水則恃勢捶撻頻頻啟放又漕運糧船凡遇水淺於河內築土壩積水行舟以致壞牐竝行嚴禁如有守牐之人恃旨勒索阻滯客旅仍命御史廉訪司常加體察

克州牐爲會通河之關鍵至元十二年丞相伯顏訪問自江淮達大都河道馬之貞言宋金以來汶泗相通河道都水監郭守敬按視可以通漕二十年委官開鑿擬修石牐十四二十一年委馬之貞等同相視始修石牐八石堰二

又修治濟州以南徐邳沿河牽道橋梁二十三年用馬之  
貞言於兗州立牯堰約泗水西流於堽城立牯堰分汶水  
入河南會於濟州以六牯樽節水勢啟閉通舟南通淮泗  
北至通州又飭東平路修閉上游以濟江淮漕運

濟州河者開渠濟州以通漕運也初憲宗七年於兗州寧

陽縣堽城之左作斗門遏汶水南流至任城合於泗水以

餉宿蘄戍兵及世祖平江南以江淮水運不通至元十八

年差李處巽舊志作奧魯赤揭俟斯會源牯碑有兵部尚書李奧魯赤卽處巽也偕都水及

精算數者給宣差印往濟州定開河夫役令大名衛輝新

附軍亦往助工引汶泗自濟州開渠西北達於須城縣之

安山凡百五十里以益都宣慰使都元帥來阿八赤兼董

其役舊志十八年十月丞相火魯火孫奏阿八赤失所開河經濟州云云阿八赤卽阿八赤二十年濟

元史卷七十七

志

河渠

州漕河成立都漕運司與海道竝運濟州河漕自淮入泗

至新開河北達安山出大清河歷東阿利津入海後因海

口沙壅又從東阿陸運至臨清入御河以達於大都舊紀是年

五月用王積翁言詔江南運糧於阿八赤新開神山河及

海道兩路運之十月中書省言阿八赤新開河二處皆有倉宜造小舟分海運云神山河未詳其地所二十二年以

稱阿八赤新開河二處濟州河蓋居其一

濟州河水淺舟大不能達更造百石小舟三千艘舟用四

人役夫萬二千人歲漕江淮米三十萬石於京師二十六

年復自須城安山開渠西北至臨清通濟州河於御河賜

名會通河見蓋兗州堽城二牯所以節汶泗上流而會於

濟州也濟州河所以導汶泗南北通流而達江淮漕於大

清河也會通河則又引汶泗以接於御河也大德以後雖

專事海運而濟州河會通河便於公私運販終元之世常

加疏濬至元中又用萊人姚演言開膠東河由膠西縣陳  
邨海口西北達於膠河出海倉口從海道趨直沽以通漕  
謂之膠萊新河十八年演請免益都淄萊寧海三州一歲  
賦入折備直爲開河之用從之命阿八赤發兵萬人從役  
尋授阿八赤膠萊海道漕運使舊紀至元二十二年稱江  
海運十萬石膠萊六十萬石濟州河二十萬石據倉京志  
言開膠萊河道通海勞費不貲卒無成效則其未通漕可  
知至膠萊海道漕運亦  
暫行卽廢其運道無攷二十一年御史臺言膠萊海道淺  
澗不能行舟萊河道言既而漕臣亦言漕海疾便阿八  
赤所開河不便轉漕所用水手軍人二萬舟千艘若以之  
漕海歲可百萬石明年遂罷膠萊所鑿新河舊志濟州河  
雜敘開膠萊河事於中混淆莫辨又謂阿八赤所開河遂  
廢彼時惟膠萊河以無成功而罷如濟州河初未廢也

元史卷七十七志 河渠

七

揭傒斯重建濟州會源牐碑曰皇帝元年夏六月都  
水丞河南張侯仁仲改作濟州會源牐成明年春二  
月具功狀遣其屬孟思敬至京師請文勒石惟我元  
賦窮河渠以逸漕國乃改任城縣源置牐以分其流  
之交據燕吳之衝道汶泗以會其源置牐以分其流  
西北至安民入於新河隸於臨清地降九十六尺爲牐  
十六以達於永濟渠南至沽頭地降百一十六尺爲  
牐二十有一南入於河南北至奉符地降百一十六尺  
東北至於兗州爲牐一以節汶水而會源之牐制於  
其中歲益久政日弛敝以涇漕度用弗時先皇帝以  
爲憂延祐六年冬詔以侯利治東阿疏北修舊所盛  
布新令嚴暴橫之禁杜奸利之門南疏北修舊所盛  
虛明年冬以當代請去弗許行視濟牐峻怒狠悍歲  
數壞舟楫土崩石泐岌不可持乃代石區里之山轉  
木淮海之濱度功卽工矢改作焉明年建元至治三  
月甲戌朔侯朝至於河上率徒相宣導水東行竭其  
水上而竭其中以儲眾材徹故牐夷坳浚徙其南二  
十尺降七尺以爲基下錯植巨栗如列星貫以長松  
實以白石概視其地無有所罅南衡五十尺縱以百  
十尺八分其縱四爲門縱孫其南之三北之一以爲  
水之奔突震蕩五分其衡二爲門容折其三以爲兩  
壩四分其容去其一以爲門崇廉其中而翼其外以  
附於防三分門縱間於北之二以爲門中夾樹石鑿



百八十三里省臣奏準諸色戶內顧募丁夫萬人日支鹽糧錢二兩計用鈔二萬錠

練湖在鎮江丹陽運河之上源也宋時專設人夫修濬以瀦潦水若運舟淺阻放湖水一寸則可添運河水一尺元有江南之後其制始廢居民於湖中築隄圍田淤占既廣不足受水遂致泛溢世祖末年參政暗都刺奏請依宋例委人提調疏治其侵占者驗畝加賦至治三年十二月江浙行省言鎮江運河全藉練湖之水爲上源近年淤淺舟楫不通請委官相視疏治運河自鎮江路至呂城壩長百三十一里計役夫萬五百餘人六十日可畢又用三千餘人浚滌練湖九十日可完人日支糧三升中統鈔一兩又議依假山諸湖農民取泥之法用船千艘船三人用竹箒

撈取淤泥日可三載月計九萬載三月之間通取二十七萬載就用所取泥增築湖岸自鎮江在城程公壩至常州武進縣呂城壩河長百三十一里又百四十六步擬開河面闊五丈底闊三丈深四尺與見有水二尺可積深六尺所役夫於平江鎮江常州江陰州溧陽州田多上戶內差倩若濬湖開河二役難以並興宜趁農隙先開運河且上湖沙岡黃土下湖茭根叢雜泥亦堅硬不可箒取若兩役並興相離三百餘里往來監督供給亦難請以所督夫萬三千五百十二人先開運河一月可畢次濬練湖二十日可完從之計開河支鈔八千六百七十九錠三十六兩糧萬三千九百石其練湖未畢相視地形水勢再議又練湖舊有湖兵應行添補共百人專任修築湖岸設提領二員

壕寨二人司吏三人

西北河渠

渾河

灤河

滹沱河

渾河本盧溝水源出代地以其流濁名小黃河自奉聖州流入宛平縣境至都城四十里東分二派逕大興縣流至東安州武清縣入潮州界至大二年十月渾河水決左都威衛營西大隄泛溢南流沒左右二朔及後衛屯田決口闊五十餘步深五尺許三年二月委官修治皇慶元年二月渾河水溢決黃塌隄十七所發軍五百修治六月霖雨水漲及丈餘決隄口二百餘步漂民廬沒禾稼委官修築延祐元年六月渾河決武清縣劉家莊隄口差軍七百與東安州民夫協修三年三月省議渾河決隄上白石徑山金口下至武清縣界舊隄長三百四十八里中間因舊修

元史卷七十七志

河渠

十

築者大小四十七處合修補者十九處無隄册修者八處宜疏通者二處當役軍夫三萬五千期三月畢工如通築則役大難成請分三年先發軍民匠萬人興工修其要處是月樞府奏撥軍三千委中衛僉事督治之七年五月營田提舉司言渾河隄二百餘步將崩恐春首土解水漲浸沒爲患乞修治計廣武軍北陷薄隄一處永興屯北低薄一處落邨西衝圯一處永興屯北崩圯一處北王邨莊西河東岸一處劉邢莊西河東岸一處總用工五萬三千七百二十二泰定四年四月省議三年六月內霖雨暴漲泛沒大興縣田園樞府撥軍三千人修之

灤河源出金蓮川中由松亭北經遷安東平州西瀕灤州入海宋王曾北行錄云自偏槍嶺四十里過烏灤河東有

灤州因河爲名至元二十八年姚演奉敕疏濬灤河漕運上都乞預備來歲所用漕船五百艘水手萬牽船夫二萬四千中書省議奏近歲東南荒歉民力凋敝請先造舟五十艘量撥水手試行之如果便續增益制曰可大德五年六月平灤路霖雨灤與泚泃諸河竝溢衝圮舊護城隄橫流入城廬屋漂蕩殆盡乃委官修之東西二隄計用鈔八千錠米三千餘石延祐四年正月上都城南御河西北岸衝齧頽圯又開平縣四月霖雨東關灤河水漲衝損北岸樞密院發軍六百治焉泰定二年三月永平路屯田總管府言本屯田糧以供億內府訪馬城東北五里許張家莊龍灣頭有隄以防灤水去歲霖雨水溢衝蕩屯田工部移都水監差夫補築三年五月上都大西關南馬市口灤河

元史卷七十七志

河渠

三

北隄侵齧漸崩工部移上都右丞相塔失帖木爾等奏幹爾朵思住冬營盤爲灤河水衝壞將築護水隄宜令樞密院發軍千二百供役從之

滹沱河源出西山流經平山縣北十里靈壽縣西南三十里又東經眞定縣城南歷臺城縣北連貫眞定諸郡延祐七年眞定路言滹沱河源本與冶河相通後二水合其勢遂猛屢壞金大隄爲患至元三十年引闢冶河自作一流滹沱河水十退三四至大元年水漂眞定縣城南關淤塞冶河口其水復歸滹沱是後歲患潰決自大德十年至皇慶元年節次修隄用捲掃葦草三百餘萬官給夫糧備傭直百餘萬錠及延祐元年夏修隄二百七十餘步折橋木爲椿徵夫五百餘人月餘役不能畢至七月八日又衝

塌莊邨三處隄長千二百四十步差夫築月隄延祐二年  
嘗闢冶河已復湮塞今歲霖雨水溢北岸數處其河元經  
康家莊邨南流不知何時徙於邨北數年修築皆於隄北  
取土故南高北低水愈就下侵齧西至木方邨東至護城  
隄約二千餘步若來春仍用椿梢築土隄終非永計莫若  
牐閉北岸河口截河築隄千餘步開掘南岸故河老岸闊  
六十步長三十餘里引水南流於南岸取土築隄下至合  
頭邨北與本河合則去城稍遠庶可無患都水監差官相  
視故河闊千餘步納諸新河六十步之中淫潦怒漲恐不  
能容上嚙下滯必致潰決不若順其自然將北岸故隄堅  
固增築爲便役夫五千一月可畢至治元年三月眞定路  
復請牐閉北岸河口開南岸故河都水監與眞定路官復

元史卷七十七 志 河渠

三

持前議駁之秦定四年眞定路言滹沱連年泛溢其源自  
五臺諸山來至平山縣下與平定州石泉冶河合夏秋潦  
漲瀾漫城郭每年勞民築隄莫能除害竝自平山縣王子  
邨辛安邨鑿河長四里餘接魯家灣舊澗復開二百餘步  
合入冶河以分殺其勢又木方邨滹沱河南岸故道疏濬  
三十里北岸下椿捲掃築隄捍水令東流力省功多可永  
無害工部議言二河竝浚役大民勞擬先開冶河其眞定  
路徵民夫日給中統鈔一兩五錢如侵礙民田官酬其直  
於是南岸故河之議遂息

西方水利

沁渠

鄭渠

白渠

廣濟渠在懷孟路引沁水以達於河世祖中統二年爲天  
旱故詔提舉王允中大使楊端仁於大行山沁口故蹟置

分水渠口遮沁入渠濬爲四道經濟源河內河陽溫武陟入黃河約六百餘里通計使水之家六千七百餘戶四月而工畢所修石堰長百餘步闊三十餘步高丈三尺石斗門橋高二丈長十步闊六步溉田三千餘頃名曰廣濟渠設官提調遇旱則官爲酌量驗田多寡分水灌溉權豪毋得侵奪至文宗天祿三年懷慶路同知阿合馬言天久亢旱夏麥枯槁秋穀種不入土民匱於倉者老咸稱丹水澆溉近山田土居民深得其利沁水亦可溉田中統間爲天旱奉詔開濬五邑咸受其賜二十餘年後因豪家截河起堰立碾磨壅遏水勢又經霖雨渠口淤塞隄堰頽圯河渠司尋亦革罷有司不爲整治廢壞近五十年請攷其舊蹟令五縣使水人戶自備工力疏通立插堰申禁約視水緩急爲啟閉則澇早有備於民大利尋據孟州等處申舊渠岸北有減水河道以洩霖潦後值久雨漲漫田禾以此堵閉今若置立石堰與枋口相平如遇水溢閉塞插口使水漫流石堰復還沁水本河又從減水河分般其勢庶不爲害公私便益從之

元史卷七十七

志 河渠

三

涇渠者在秦時水工鄭國鑿涇水自仲山西抵瓠口爲渠竝北山東注於洛三百餘里以溉田號鄭渠漢時有白公者奏穿渠引涇水起谷口入櫟陽注渭中袤二百里溉田四千五百餘頃因名曰白渠歷代因之皆享其利宋時以水衝齧鄭渠失其故蹟熙寧間詔賜常平息錢助民興作自仲山旁開鑿石渠從高瀉水名豐利渠元至元間立屯田府督治之大德八年涇水暴漲毀堰塞渠陝西行省命

屯田府總管夾谷伯顏及涇陽尹王琚疏導之起涇陽高陵三原櫟陽用水入戶及渭南櫟陽涇陽三屯所共役三千餘人其制編荆爲圍貯之以石復填以草以土爲堰歲時葺理未嘗廢至大元年王琚爲西臺御史建言於豐利渠上更開石渠五十有一丈闊一丈深五尺每方一尺爲一工積十五萬三千工自延祐元年興工至五年渠成是年秋改堰至新口秦定間言者謂石渠歲久水流漸穿逾下去岸益高至正三年御史宋秉亮言渠積年坎取淤土壘壘於岸極爲高崇力難送土於上請就岸高處開通鹿巷以便夫行遂發丁夫開鹿巷八十四處削平土壘四百五十餘步二十年陝西行省左丞相帖里復遣都事楊欽修治凡溉農田四萬五千餘頃此所修皆鄭渠也其白渠

元史卷七十七志

河渠

十四

一名洪口渠自秦漢至唐宋築洪堰截涇水入白渠下至涇陽縣北白公斗分爲三限并平石限蓋五縣分水之要所也北限入三原櫟陽雲陽中限入高陵南限入涇陽澆溉官民田七萬餘畝自元伐金堰壞田蕪民逃賦缺太宗十二年用梁泰言撥新附軍民二千戶修隄堰給牛種以裕軍餉未竟其工至大三年陝西行臺御史言涇陽洪口石渠淤廢請興工展修爲萬世利由是會集奉元路諸屯官及耆老議展修石渠八十五步計四百二十五尺深二丈廣丈有五尺計用石十二萬七千五百尺人日采石積方一尺工價二兩五錢石工二百丁夫三百金火匠二火焚水淬日可鑿石五百尺二百五十五日工畢計田派丁官給糧倉用具所費不及二年錢糧可一勞永逸從之文

宗天祿二年夏驟雨涇水泛漲洪堰及小龍口盡圯水歸涇白渠內水淺陝西行省議稱洪口自秦至宋百有二十激自涇陽下至臨潼五縣溉田七萬餘頃驗田出夫千六百人每秋八月修堰至十月放水成例近因奉元亢旱五載人皆相倉流移疫死者十七八實難照舊出夫備器查涇陽水利雖分三限溉田而三原等縣地遠不能立徧惟涇陽北近俱在上限并南限中限用水取便今次修堰應除逃亡之戶令涇陽縣近限水利戶內增差一人官日給米一升併工修治從之此所修皆白渠也舊志淆冗今釐正之

西川水利

蜀堰

江水貫成都東下舊有沫水之患秦昭王時蜀太守李冰

元史卷七十七志 河渠

河渠

五

鑿離堆分其江以灌成都故分內江外江去害就利歷千數百年所過衝薄蕩鬻又大爲民患有司以故事歲治隄防凡百三十有三所役兵民多者萬餘少者千百歲役凡七十日不役者日出庸錢三緡貧富交病會其費歲不下七萬緡大抵出於民者十九藏於吏而利不足償費矣元統二年僉四川肅政廉訪司事吉當普巡行周視得要害之處三十有二餘悉罷之與灌州判官張弘議易之以石爲一勞永逸計先出私錢試爲小石堰堰成水暴漲而堰不動乃具文書會行省軍民官長各陳利害咸以爲便於是徵工發徒以後至元元年十有一月朔肇事於都江堰卽禹鑿之處分水之源也鹽井關限其西北水西關據其西南江南北皆東行北舊無江冰鑿以辟沫水之害中爲

都江堰少東爲大小釣魚臺又東跨二江爲石門以節北江之水又東爲利民臺臺之東南爲侍郎楊柳二堰其水自離堆分流入於南江南江東至鹿角又東至金馬口又東過大安橋入於成都俗稱大阜江江之正源也北江少東爲虎頭山爲鬪雞臺臺有水則以尺畫之凡十有一水及其九則歲稔過則憂潦沒其則則大潦又書深淘灘低作堰舊志云高作堰今從一統志又方輿紀要云淺作堰淺卽低也六字於旁爲治水法皆冰所爲也又東爲離堆又東過凌虛步雲二橋又東至三石洞醜爲三渠其一自上馬騎東流過郫入於成都古謂之內江今府江是也其一自三石洞北流過將軍橋又北過四石洞折而東流過新繁入於成都古謂之外江此冰所穿二江也南江自利民臺有支流東南出萬工堰又

東爲駱駝口又東爲碓口繞青城而東鹿角之北涯有渠曰馬壩東流至成都入於南江渠東行二十餘里水決其南涯四十有九每歲疲民力以塞之乃自其北涯鑿二渠與楊柳渠合東行數十里復與馬壩渠會而渠成安流白金馬口之西鑿二渠合金馬渠東南入於新津江罷藍淀黃水千金白水新興至三利十二堰北江三石洞之東爲外應顏上五斗諸堰外應顏上之水皆東北流入於外江五斗之水南入馬壩渠皆內江之支流也外江東至崇寧亦爲萬工堰堰之支流自北而東爲三十六洞過清白堰東入於彭漢之間而清白堰水潰其南涯延袤三里餘有司因潰以爲堰堰輒壞乃疏其北涯舊渠直流而東罷其堰及三十六洞之役其嘉定青神之鴻化堰則授成其長

吏成都之九里隄崇寧之萬工堰彭之壩口豐潤千江石洞濟民羅江馬脚諸堰工未及施則召諭長吏使農隙爲之凡諸堰都江及利民臺之役取大侍郎楊柳外應顏上五斗次之鹿角萬工駱駝碓口三利又次之而都江又居大江中流故以鐵萬六千斤鑄爲大龜貫以鐵柱鎮其上源然後卽工諸堰皆發以石範鐵以關其中和桐油石灰雜麻絲而搗熟之以苴罅漏岸善崩者密築江石以護之上植楊柳旁種蔓荆櫛比鱗次賴以爲固蓋費以數百萬計所至或疏舊渠以導其流鑿新渠以殺其勢遇水之會則爲石門以時啟閉而洩蓄之用以節民力而資民利智力所及無不爲己初郡縣及兵家共掌都江之政延祐七年其兵官奏請但任郡縣民不堪其役至是復合焉常歲

元史卷七十七志

河渠

毛

獲水之利僅數月堰輒壞至是雖緣渠所置碓磴紡績之處以千萬計四時流轉而無窮其始至都江水深廣莫可測忽有大洲湧出其西南方可數里人得用事其間入山伐石崩石已滿隨取而足蜀故多雨自初役至工畢無雨雪故力省而功倍若有相之者五越月功告成而吉當普以監察御史召省臺上其功詔揭俟斯製文立碑以旌之是役也凡石工金工皆七百人木工二百五十人徒役三千九百人而蒙古軍居其半糧爲石千有奇石之材取於山者百萬有奇石之灰以斤計者六萬有奇油半之鐵六萬五千斤麻五千斤取其在官之積者尚餘二十萬又九千有奇皆出於民之庸而在官之積者尚餘二十萬又二萬緡費仍蠲兵民常賑之費仍蠲兵民常

東南水利

松江

澱山湖

捍海塘

浙西諸山之水受之大湖下爲吳松江東匯澱山湖以入

海而潮汐來往濁沙易淤是以宋設撩洗軍專掌修治元初罷之有司不以爲務勢豪租占爲蕩爲田以致湮塞至治三年江浙省臣方以爲言委官體究通海故道及新生沙漲礙水處所商度開滌圖呈合開濬河道五十五處內常熟州九處十三段崑山州十一處九十五里嘉定州三十五處五百三十八里又松江府各州縣合濬河渠華亭縣九處計五百二十八里上海縣十四處計四百七十一里官給之糧傭民疏治如下年豐稔勸率有田之家五十畝出夫一人十畝之上驗數合出止於本保開濬其勢家置立魚斷竝沙塗栽葦者依上出夫其上海嘉定連年旱澇皆緣河口湮塞無以灌溉疏洩官民俱病至元三十年以後兩經疏闢近復壅閉勢家愈加租占雖有增科之賦

元史卷七十七志 河渠

五

不抵災傷之數略計上海一縣歲收官糧十七萬石民糧三萬餘石而延祐七年災傷五萬八千七百餘石至治元年災傷四萬九千餘石二十年十萬七千餘石水旱殆無虛歲不惟虧糧復煩振貸近日相視地形講議疏濬其通海大江未易遽治惟舊有河港聯絡官民田土之間藉以灌溉者今皆填塞必須疏通宜令本處軍民有田者以多寡出夫自備工役而官督之其豪勢租占蕩田妨水利者竝與除闢民田稅糧全免一年官租減半其華亭崑山常熟州河港比上海嘉定緩急不同從各處勸農官督有田之家備工修治泰定元年十月江浙行省言吳松江等河壅塞宜疏仍立牘以節水勢計用四萬餘人今冬兩月可畢用二萬餘人二年可畢其丁夫於旁郡諸色戶內均差依

練湖例給備直糧倉從之

大湖爲浙西巨浸上受杭湖諸山之水瀦蓄之餘分匯爲澗山湖東流入海世祖末年參政暗都刺言此湖在宋時委官差軍守之湖旁餘地不許侵占常疏其壅塞以洩水勢今旣無人管領遂爲勢豪絕水築隄繞湖爲田湖狹不足瀦蓄每遇霖潦泛溢爲害詔委官相視計用夫十二萬百日可畢奏令軍民共役至元三十一年成宗卽位平章鐵哥奏大湖澗山湖疏掘已畢今諸河日受兩潮漸致沙漲若不依宋舊例令軍屯守必墮成功但屯守河道用軍八千樞府必吝惜不遣澗山湖圍田賦糧二萬石不若就募民夫四千調軍士四千與同屯守立都水防田使司職掌捕賊修湖命議行之

元史卷七十七志

河渠

充

鹽官州去海岸三十里舊有捍海塘二後又添築鹹塘宋時亦嘗崩陷成宗大德三年塘岸崩都省委官相視虛沙復漲難於施力仁宗延祐間海汎失度累壞民居陷地三十餘里省憲官議於州後北門增築土塘然後築石塘東西長四十三里後以潮汐沙漲而止至泰定四年二月間風潮大作衝捍海小塘壞州郭四里杭州路與都水庸田司議以北面築塘四十餘里工費浩大莫若先修鹹塘增其高闊塞其溝港且濬深近北濠塹以護禦目前詔以世祖時海岸常崩遣使命天師祈祀潮卽退今可令直省舍人伯顏奉御香令天師依前例祈祀旣而杭州路又言八月秋潮洶涌水勢愈大見置石圍四千九百六十抵禦鏤齧暫救其急必更做浙江立石塘方可久遠計用鈔七十

九萬四千餘錠糧四萬六千二百餘石接續興修致和元年三月海塘又淪陷入海命戶部尚書李家奴工部尚書李嘉賓與行省左丞相脫歡等會議修治議言大德延祐欲建石塘未就泰定四年春潮水異常增築土塘不能抵禦議置板塘以水涌難施工遂作籬條木櫃間有漂沈欲踵前議疊石塘以圖久遠爲地脈虛浮比定海浙江海鹽地形水勢不同由是造石囤壘其壞處以救目前之急已置石囤二十九里餘不曾崩陷略見成效議東西接疊石囤十里其六十里塘下舊河就取土築塘鑿東山之石以備崩損文宗天厯元年十一月都水庸田司言八月祈請天妃大汎潮勢不高風平水穩十四日自本州嶽廟東海北護岸鱗鱗相接十五日至十九日海岸沙漲東西長七

元史卷七十七志 河渠

三

里餘南北廣或三十步或數十百步漸見南北相接西至石囤已及五都修築捍海塘與鹽塘相連直抵巖門障禦石囤東至十一都六十里塘又東至大尖山嘉興平湖三路所修處海口水本月初探深二丈五尺至十九日二十日探之先二丈者今一丈五尺先一丈五尺者今一丈西自六都仁和縣界赭山雷山爲首添漲沙塗已過五都四都鹽官州廊東西二都沙土流行水勢俱淺二十日復巡視自東至西岸腳漲沙漸增高闊至九月大汎本州嶽廟東西水勢俱淺漲沙東過錢家橋海岸元下石囤木植竝無積圯水息民安於是改鹽官州曰海寧州

